


鄂國金佗稗編

三之四



內閣文庫	
番號	漢 8949
冊數	20( 2)
函號	287 90



Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak



鄂國金佗粹編卷第三

淺草文庫

孫奉議即權發遣嘉興軍府兼管內勸農事岳珂編進



高宗皇帝宸翰卷下

興十年

班師二詔

入觀一詔

紹興十一年

援淮西一十五詔

臣珂跋

紹興十年

偽昭武大將軍韓常既失夏金吾畏  
罪不敢還以兵五萬屯長葛密遣使  
願以其衆降先臣遣賈興報許之兀  
朮復聚兵十萬拒先臣于朱僊鎮先  
臣按兵不動第遣將以背嵬五百奮  
擊大破之兀朮奔東京時大軍去  
京纔四十五里方議受降且進取兩  
河響應指期成功秦檜主和議懼得



河國全

罪于虜亟請班師先臣抗疏以為虜  
人巢穴盡聚東京屢戰屢奔銳氣  
沮喪得間探報兀朮已盡棄輜重疾  
走渡河况今豪傑鄉風士卒用命天  
時人事強弱已見時不再來機難輕  
失臣日夜料之熟矣惟陛下圖之  
奏至宸衷感悟賜御札令少駐  
近便得地利處報諸帥同為進止  
得卿十八日奏言措置班師機會誠為可惜

卿忠義許國言詞激切朕心不忘卿且少駐  
近便得地利處報揚沂中劉錡同共相度如  
有機會可乘約期並進如且休止以觀敵釁  
亦須聲援相及揚沂中已於今日二十五日  
起發卿可照知遣此親札諒宜體悉

付岳飛

御押

前詔未至諸大帥各已退師秦檜復  
請休兵觀釁亟趣先臣退一日而奉  
金牌者十有二先臣奉詔還自朱

僊鎮將朝于

在所會韓世忠在淮

陽揚沂中往徐州

朝廷慮虜軍襲

其後復賜

御札令駐京西牽制

比聞卿已趣裝入覲甚慰朕虛佇欲見之意  
但以卿昨在京西與虜接戰遂遣諸軍犄角  
並進今韓世忠在淮陽城下揚沂中已往徐  
州卿當且留京西伺賊意向為牽制之勢俟  
諸處同為進止大計無慮然後相見未晚也  
遣此親札諒深體悉

寄此與付岳飛

御押

先臣還至廬州始奉牽制之詔而  
韓世忠已還軍於楚州賜御札報  
諭令疾馳入覲  
昨以韓世忠出軍淮陽委卿留京西為牽制  
之勢今聞卿已至廬州世忠却已歸楚卿當  
疾馳入覲以副朕佇見之切軍事足得面議  
遣此親札諒深體悉

付岳飛

御押

紹興十一年

春正月謀報兀朮韓常將入寇先臣  
聞警即上疏乞會諸帥兵破敵願以  
身為先驅既遣奏整兵以俟命未  
至十五日乙卯兀朮韓常與偽龍虎  
大王先驅渡淮二十五日乙丑駐廬  
州界報至賜御札令先臣以兵至  
江州  
據探報虜人自壽春府遣兵渡淮已在廬州

界上張俊劉錡等見合力措置掩殺卿可星  
夜前來江州乘機照應出其前後使賊腹背  
受敵不能枝梧投機之會正在今日以卿忠  
勇志吞此賊當即就道付此親札卿宜體悉

付飛

御押

二月四日癸酉先臣在鄂未奉前  
詔念虜既舉國入寇巢穴必虛若長  
驅京洛虜必奔命可以坐制其弊既  
遣奏又欲亟遏虜師是日再抗疏曰

會少其今虜在淮西臣若擣虛勢必得利萬  
今日之舉一以為寇方在近未暇遠圖即乞且  
親至蘄黃相度以議攻却且虜知荆  
鄂宿師必自九江進援今若出此貴  
得不拘使敵罔測未至賜  
御札趣  
出兵

比以金賊侵犯淮西已在廬州張俊揚沂中  
劉錡見併力與賊相拒已親札喻卿乘此機  
會提兵合擊必成大功副卿素志卿可星夜

倍道來江州或從蘄黃繞出其後腹背擊賊  
機會在此朝夕須報再遣親札想宜體悉

付飛

御押

前詔未至虜已迫和州七日丙子復

賜御札趣出兵

虜犯淮西與張俊和州相拒已遣親札趣卿  
倍道前來合力擊賊早夜以俟卿忠智冠世  
今日之舉社稷所繫貴在神速少緩恐失機  
會也再遣手札卿當深悉七日

付岳飛

御押

九日戊寅先臣始奉出兵江州之

詔下令以十一日庚辰就道且以奏

聞未至十日巳卯 詔遣中使張去

為至先臣軍賜

御札趣出兵

虜寇聚于淮西張俊揚沂中劉錡已於和州  
巢縣下寨與賊相拒韓世忠出兵濠上卿宜  
倍道共乘機會前所發親札卿得之必已就

道今遣張去為往喻朕意卿更須兼程無詒  
後時之悔諒卿忠智出於天性不俟多訓也

付岳飛

御押

先臣時以寒嗽在告庚辰力疾發鄂  
渚會所乞合諸帥兵破敵之 奏始

至賜

御札褒嘉

昨得卿奏欲合諸帥兵破敵備見忠誼許國  
之意嘉歎不已今虜犯淮西張俊揚沂中劉  
錡已併力與賊相拒卿若乘此機會亟提兵

會合必成大功以朕所見若卿兵自蘄黃  
出其後腹背擊賊似為良策卿更審度兵  
貴神速不可失機會也再遣親札想宜體

悉

付 飛

御押

朝廷得歸正人所報十五日甲申復賜

御札趣出兵

比屢遣手札并面諭屬官仍遣中使趣卿提  
兵前來共破虜賊諒卿忠憤許國之心必當



力踐所言以據素志今據歸正人備說金賊  
桀黠頭首皆在淮西朕度破敵成功非卿不  
可若一舉奏功庶朕去年宥密之詔不為虛  
言況朕素以社稷之計倚重於卿今機會在  
此曉夕以佇出師之報再遣此札卿宜體悉  
十五日

御押

先臣始沓奉

前詔乃益疾馳以

行十七日丙戌先臣癸酉之奏

始至時 朝廷亦欲亟遏虜師賜

御札報諭 令姑緩 京洛之策

屢發手詔及毛敦書張去為繼往喻旨朝夕

需卿出師之報覽二月四日奏備悉卿意然

事有輕重今江浙駐蹕賊馬近在淮西勢所

當先兼韓世忠張俊楊沂中劉錡李顯忠等

皆已與賊對壘卿須親提勁兵星夜前來斬

黃徑趨壽春出其賊後合力勦除凶渠則天

下定矣想卿聞此即便就道再遣親札宜深

體悉

付岳飛

御押

是日既詔令緩京洛之策而

先臣乞出蘄黃之奏始至復賜

御札嘉獎

得卿奏欲躬親前去蘄黃州相度形勢利害

貴得不拘於九江以卿天資忠義乃心王室

諒惟蚤夜籌畫必思有以濟國家之急若得

卿出蘄黃徑擣壽春與韓世忠張俊相應大

事何患不濟中興基業在此一舉覽奏不勝

嘉歎再遣親札卿宜體悉十七日未時

付岳飛

御押

十九日戊子先臣出師之奏始

至賜御札嘉歎且申述先臣初

奏會兵破敵之意

得卿九日奏已擇定十一日起發往蘄黃舒

州界聞卿見苦寒嗽乃能勉為朕行國爾忘

身誰如卿者覽奏再三嘉歎無斁以卿素志

殄虜常苦諸軍難合今兀木與諸頭領盡在  
廬州接連南侵張俊揚沂中劉錡等共力攻  
破其營退却百里之外韓世忠已至濠上出  
銳師要其歸路劉光世悉其兵力委李顯忠  
吳錫張琦等奪回老小孳畜若得卿出自舒  
州與韓世忠張俊等相應可望如卿素志惟  
貴神速恐彼已為遁計一失機會徒有後時  
之悔江西漕臣至江州與王良存應副錢糧  
已如所請委趙伯牛以伯牛舊嘗守官湖外

與卿一軍相諳妥也春深寒暄不常卿宜慎  
疾以濟國事付此親札卿須體悉十九日二更

付岳飛

御押

先臣出師斬黃親以背鬼先驅疾馳  
入廬州兀木懲潁昌之敗聞軍至舉  
營宵遁韓常亦以長葛乞降之舊先  
退兵渡淮三月一日庚子報至賜

御札諭先臣令平蕩壽春

聞虜人已過壽春卿可與張俊會合率揚沂

中劉錡並往尅復得之則盡行平蕩使賊不  
得停迹以除後患則卿此來不爲徒行也有  
所措置開具奏來一日

付飛

御押

朝廷得韓世忠奏復賜御札趣先

臣會合平蕩

韓世忠奏已親提兵自濠往壽春府卿可約  
與相見從長措置虜人若未全退或已退復  
來接戰即當乘其旣敗痛與勦戮使知懲畏

若已退不復來即壽春順昌皆可平蕩靜盡  
免其後來之害以卿體國之意必協心共濟  
不致二三也遣此親札諒宜深悉

付飛

御押

先臣軍在廬州兀术韓常已遁得張  
俊報虜已渡淮盡絕乃還軍舒州具  
以奏聞且候進止會兀术聞先臣  
退師用酈瓊計復窺濠州先臣聞警  
以四日癸卯夜發舒州進援朝廷

得警奏十一日庚戌賜 御札趣出兵  
兀朮再窺濠州韓世忠張俊揚沂中劉錡皆  
已提軍到淮上以卿忠智許國聞之必即日  
引道切須徑赴廬州審度事勢以圖壽春廬  
通水運而諸路漕臣皆萃于彼卿軍至糧草  
不乏又因以屏蔽江上軍國兩濟計無出此  
已行下諸漕為卿一軍辦糧草不管闕乏付  
此親札卿須體悉十一日未時

朱母殿不付飛 御押

先臣已先 詔出師援濠 朝廷猶  
未知庚戌之夕先臣還舒之 奏始  
至乃賜 御札嘉獎先臣恭謹之節  
而趣令夾擊以定大功

得卿奏知卿屬官自張俊處歸報虜已渡淮  
卿只在舒州聽候朝廷指揮此以見卿小心  
恭慎不敢專輒進退深為得體朕所嘉歎據  
報兀朮用酈瓊計復來窺伺濠州韓世忠已  
與張俊揚沂中會于濠上劉錡在廬州拓臯

一帶屯軍卿可星夜提精兵裹糧起發前來  
廬州就糧直趨壽春與韓世忠等夾擊可望  
擒殺兀朮以定大功此一機會不可失也廬  
州通水運有諸路漕臣在彼運糧急遣親札  
卿切體悉十日二更

付飛

御押

先臣自舒州疾馳以十三日辛亥至  
定遠縣兀朮先以八日丁未破濠州  
張俊以全軍駐于黃蓮鎮去濠六十

里不能救揚沂中趨濠城覆于虜王  
德救之而免兀朮方據濠聞先臣將  
至復遁夜踰淮不能軍時朝廷方  
得先臣發舒州之奏乃賜御札  
嘉獎且諭以適中機會之意

得卿奏卿聞命即往廬州遵陸勤勞轉餉艱  
阻卿不復顧問必造其行非一意許國誰肯  
如此據探報兀朮復窺濠州韓世忠八日乘  
捷至城下張俊揚沂中劉錡先兩日盡統所

部前去會合更得卿一軍同力此賊不足平也中興勲業在此一舉卿之此行適中機會覽奏再三嘉歎不已遣此獎諭卿宜悉之

付飛

御押

先臣得張俊報韓世忠先以四日癸卯自招信泗州還楚而俊亦以十四日癸丑還軍滁州先臣既獨以孤軍駐定遠而虜已悉遁乃復還軍且具以奏聞未至朝廷以未知世忠還

楚十七日丙辰復賜

御札令先臣

出濠壽牽制

累得卿奏往來廬舒間想極勞勩一行將士日夜暴露之苦道路登涉之勤朕心念之不忘比以韓世忠尚在濠州與賊相拒獨力恐難支梧累奏告急卿智略有餘可爲朕籌度擇利提師一出濠壽間牽制賊勢以援世忠想卿忠義體國必以宗社大計爲念無分彼此劉錡一軍已專令間道先行張俊揚沂中

亦遣兵前去并欲卿知十七日

臣珂跋

高宗皇帝天錫

神武

紹開

中興

南征

北伐

景命重集而先臣飛奮自畎畝首蒙

異知外抗強胡內平劇盜力復京西之

境土智奪中原之僭偽至於旌麾所指

兩河響應謁視

陵寢恢拓版圖無非簡在

上心中稟

成筭故

雲章

雲章

雲章

雲章

雲章



奎畫

輝映日月藏之臣家亶爲

盛典中經權臣之禍歸之有司屬當

更化

首還諸孤於嶺表且以

軫念先臣不忘之誓

德意屬于

孝宗皇帝迨

御極之初

盡伸前枉臣父霖拔自流離之餘躡登

清貫嘗因攝貳匠監抗章有

請遂獲

賜還若群陰宿雩將旦澄霽粲然復覩

青天萬象呈露焜眩心目臣父是用夤

奉朝夕屢欲刊之琬琰以詔亡窮以侈

榮遇以章

先帝委寄待遇之隆而彙次未終齋恨

沒地臣生銜隕霜之哀重佩易箠之訓

追述

先志纂輯次第端拜摹刻凡為

詔札七十有六若淮西始終十有五

札復以甲子繫日蓋辨明疑似不敢不

詳其他軼在人家

散之族鄙者臣不能究悉誓畢此生按

訪以補其

遺庶幾

帝王彌綸之

命是是非非之野

無有執之而流涕如德輿

忘其狂且僭而志于下方

歲次癸亥冬十有一月乙

監鎮江府戶部大軍倉臣岳珂恭書

之証歲月未久稗官所載

是以甲子

而且繫以事始誠恐不如  
以洗謗書詔來禩今書  
家石刻上  
散諸士大夫間特其標軸  
紆卷故讀辨誣有每病於  
之難錄本鋟木以就簡易  
披咸在昭然可稽抑子孫  
論是是非非之理

鄂國金佗粹編卷第四

孫奉議郎權發遣嘉興軍府兼管內勸農事岳珂編進

行實編年卷之一

崇寧二年

宣和四年

宣和六年

靖康元年

靖康二年

是年改元建炎

建炎二年

建炎三年

本貫相州湯陰縣永和鄉孝悌里

曾祖成故贈太師魏國公

妣揚氏故贈慶國夫人

祖立故贈太師唐國公

妣許氏故贈越國夫人

父和故贈太師隋國公

妣姚氏故封魏國夫人贈周國夫人

崇寧二年癸未歲

先臣和遺事

初歲遺事

二月十五日先臣生名飛字鵬舉按鄧名世古今姓氏書辨證及姓源類譜曰唐堯時有四岳者佐堯理天下因官以命氏實岳姓所自始其後支胄莫考凡數千載皆韜迹不耀望雖出山陽郡先臣實家于湯陰亦知知其所以徙自先臣成而下皆以力田為業及先臣和時有瘠田數百畝僅足廩食河北屢歉饑者多先臣和常日以脫粟數升雜蔬為糜

與家人旦暮食取半飽盡以其餘呼道路之  
饑者均而飼之家人有不堪者先臣和謂之  
曰彼饑者亦人爾而能一二日不食吾與若  
日再食而猶欲求飽耶吾欲裁吾之僅有濟  
人之絕無耳人有侵其地以耕者割而予之  
無爭意有貸其財而弗償者折券棄之無愠  
色雖甚窶之未嘗悔鄉人重敬之先臣方在  
孕有老父過門聞姚氏之聲曰所生男也他  
日當以功名顯世位至公孤父因忽不見及

生先臣之夕有大禽若鵠自東南來飛鳴于  
寢室之上先臣和異之因名焉未彌月黃河  
決內黃西水暴至姚氏倉皇襁抱坐巨甕中  
衝濤而下乘流滅沒俄及岸得免先臣少負  
氣節沉厚寡言性剛直意所欲言不避禍福  
資敏悟強記書傳無所不讀尤好左氏春秋  
及孫吳兵法或達旦不寐家貧不常得燭晝  
拾枯薪以自給然於書不泥章句一見得要  
領輒棄之爲言語文字初不經意人取而誦

之則辨是非析義理若精思而得者生而有  
神力未冠能引弓三百斤腰弩八石嘗學射  
于鄉豪周同一日同集衆射自眩其能連中  
的者三矢指以示先臣曰如此而後可以言  
射矣先臣謝曰請試之引弓一發破其筈再  
發又中同大驚遂以其所愛弓二贈先臣後  
先臣益自練習能左右射隨發輒中及爲將  
亦以教士卒由是軍中皆善左右射屢以是  
破賊鋒同與先臣別未幾而死先臣往弔其

墓悲慟不已每朔望則嚮一衣設卮酒鼎肉  
于同冢上奠之而泣引所遺弓發三矢又泣  
然後酌酒瘞肉于冢之側徘徊悽愴移時乃  
還衣就盡先臣和覺而索之默不言撻之亦  
不怨後伺其出而竊從往視之盡見其所爲  
乃問之曰爾所從射者多矣獨奠泣于周同  
墓何也曰飛向者學射於周君而特與飛厚  
不數日盡其道以歸念其死無以報聊於朔  
望致禮耳又問其故曰射三矢者識是藝之

所由精也酹酒瘞肉者周君所享飛不忍食也先臣和始甚義之撫其背曰使汝異日得為時用其徇國死義之臣乎先臣應之曰惟大人許飛以遺體報國家何事不敢為先臣和乃歎曰有子如此吾無憂矣其後宣和四年壬寅歲年二十先臣和卒從敢戰擒陶俊賈進先臣和卒真定府路宣撫劉韜募敢戰士備胡先臣首應募韜一見大奇之使為小隊長相州劇賊

陶俊賈進攻剽縣鎮殺略吏民官軍屢戰失利先臣請以百騎滅之韜與步騎二百先臣預遣三十人易衣為商入賊境賊掠之以歸置於部伍先臣乃夜伏百人於山下自領數十騎逼賊壘賊易其兵少出戰俊箕踞坐馬上嫚罵交鋒先臣陽北賊乘勝追逐伏兵起擊所遣三十人自賊中擒俊進於馬上賊眾亂莫知所為遂俘獲其眾餘黨盡散知相州王靖奏其功補承信郎命未下得先臣和訃

跌奔還湯陰執喪盡禮毀瘠若不勝會

朝廷罷敢戰士前命竟不卞先臣亦棄不復問

宣和六年 甲辰歲 年二十二

殺張超 從平定軍

春三月賊

敢犯吾保耶起而視之

超方恃勇直前先臣乘垣引弓一發貫吭而

踣賊衆奔潰墅賴以全是歲投平定軍爲効

用士稍擢爲偏校

靖康元年 丙午歲 年二十四

榆次覘虜 干大元帥府 招吉倩

補承信郎 戰侍御林

轉寄理保義郎 戰滑州河上

轉秉義郎 隸宗澤

夏六月路分季團練失其名知其勇以百餘

騎檄往慶陽榆次縣覘賊謂之硬探猝遇虜

衆騎士畏卻先臣單騎突虜陣出入數四殺

其騎將數人虜衆披靡不敢逼至夜以虜服



潛入其營遇擊刁斗者謬爲胡語答之遂周  
行營柵盡得其要領以歸補進義副尉會夜  
渡亡其告身先臣又棄不復問問行歸相州  
冬高宗皇帝以天下兵馬大元帥開府河  
朔至相州先臣因劉浩得見命招羣賊吉倩  
等與以百騎先臣受命出日薄莫頓所部  
宿食自領四騎徑入賊營羣賊駭愕先臣呼  
倩等慰諭之曰胡虜犯順汝曹不輔義以立  
功名反於草間苟活今我以大元帥命招

納汝曹此轉禍爲福之秋也倩等素知先臣  
名且感其至誠置酒延之先臣亦豪飲不疑  
酒酣倩謂先臣曰倩等旣搔動州縣今旣受  
招恐未免誅戮先臣開諭再三衆已聽命忽  
一賊起搏先臣先臣批其頰應手仆地拔劍  
向之倩等羅拜請免相率解甲受降凡三百  
八十人由是受知於大元帥補承信郎分  
鐵騎三百使先臣往李園渡嘗虜軍戰于侍  
御林敗之殺其梟將轉成忠郎以曾大父諱

寄理保義郎未幾以徼從劉浩解東京圍與虜相持於滑州南先臣乘浩馬從百騎習兵河上河凍冰合虜忽至先臣麾其下曰虜雖衆未知吾虛實及其未定擊之可以得志乃獨馳迎敵有梟將舞刀而前先臣以刀承之刃入寸餘復拔刀擊之斬其首屍仆冰上騎兵乘之虜衆大敗斬首數千級得馬數百匹以功遷秉義郎大元帥次北京以先臣軍隸留守宗澤

靖康二年

是年改元建炎

丁未歲 年二十五

戰開德

轉修武郎

戰曹州

轉武翼郎

宗澤授陣圖

從大元帥移南京

上書奪官

詣張所

借修武郎閤門祗候中

軍統領

論兩河燕雲利害

借武經郎

從王彥

戰新鄉

敗王索

戰侯兆川

戰太行山

擒拓跋耶烏

殺黑風大王

歸宗澤

充留守司統制 隸杜充

春正月戰于開德以兩矢殪金八執旗者二人縱騎突擊敗之奪甲馬弓刀以獻轉修武郎二月戰于曹州先臣被髮揮四刃鐵簡直犯虜陣士皆賈勇無不一當百大破之追奔數十里轉武翼郎澤大奇先臣謂之曰爾勇智材藝雖古良將不能過然好野戰非古法今為偏裨尚可他日為大將此非萬全計也因授以陣圖先臣一見即置之後復以問先

臣先臣曰留守所賜陣圖飛熟觀之乃定局耳古今異宜夷險異地豈可按一定之圖兵家之要在於出奇不可測識始能取勝若平原曠野猝與虜遇何暇整陣哉况飛今日以裨將聽命麾下掌兵不多使陣一定虜人得窺虛實鐵騎四蹂無遺類矣澤曰如爾所言陣法不足用耶先臣曰陣而後戰兵之常法然勢有不可拘者且運用之妙存於一心留守第思之澤默然良久曰爾言是也

帥移 南京復令先臣以所部從五月 大  
元帥即 皇帝位改元建炎先臣上書數千  
言大槩謂 陛下已登 大寶黎元有歸社  
稷有主已足以伐虜人之謀而勤 王御營  
之師日集兵勢漸盛彼方謂吾素弱未必能  
敵正宜乘其怠而擊之而李綱黃潛善汪伯  
彥輩不能承 陛下之意恢復故疆迎還  
二聖奉 車駕日益南又令長安維揚襄陽  
准備巡幸有苟安之漸無遠大之略恐不足

以繫中原之望雖使將帥之臣戮力于外終  
亡成功爲今日之計莫若請 車駕還京罷  
三州 巡幸之詔乘 二聖蒙塵未久虜宄  
未固之際 親帥六軍迤邐北渡則 天威  
所臨將帥一心士帥作氣中原之地指期可  
復書奏大忤用事之臣以爲小臣越職非所  
宜言奪官歸田里秋八月詣河北招撫使張  
所所一見待以國士借補修武郎閣門祗候  
差充中軍統領所嘗從容問之曰聞汝從宗

留守勇冠軍汝自料能敵人幾何先臣曰勇  
不足恃也用兵在先定謀謀者勝負之機也  
故爲將之道不患其無勇而患其無謀今之  
用兵者皆曰吾力足以冠三軍然未戰無一  
定之畫已戰無可成之功是以上兵伐謀次  
兵伐交藥技曳柴以敗荆莫教採樵以致絞  
皆用此也所本儒者聞先臣語矍然起曰公  
殆非行伍中人也因命先臣坐促席與論時  
事先臣慷慨流涕曰今日之事惟有滅賊虜

迎二聖復舊疆以報君父耳所曰王上  
以我招撫河北我惟職是思而莫得其要公  
嘗計之否先臣曰昔人有言河北視天下猶  
珠璣天下視河北猶四肢言人之一身珠璣  
可無而四肢不可暫失也本朝之都汴非  
有秦關百二之險也平川曠野長河千里首  
尾繇亘不相應援獨恃河北以爲固苟以精  
甲健馬馮據要衝深溝高塹峙列重鎮使敵  
入吾境一城之後復困一城一城受圍諸城

或撓或救卒不可犯如此則虜人不敢窺  
河南而京師根本之地固矣大率河南之  
有河北猶燕雲之有金坡諸關河北不歸則  
河南未可守諸關不獲則燕雲未可有間嘗  
思及童宣撫取燕雲事每發一笑何則國  
家用兵爭境土有其尺寸之地則得其尺寸  
之用因糧以養其兵因民以實其地因其練  
習之人以為嚮導然後擇其要害而守之今  
童宣撫不務以兵勝而以賄求虜人既得重

賄陽諾其請收其糧食徙其人民與其素習  
之士席卷而東付之以空虛無用之州國  
家以為燕雲真我有矣則竭天下之財力以  
實之不知要害之地實彼所據彼俟吾安養  
之後一呼而入復陷腥羶攻取燕雲而不志  
諸關是以虛名受實禍以中國資夷狄也河  
南河北正亦類此今朝廷命河北之使而  
以招撫名越河以往半為胡虜之區符何以  
為招撫之地為招撫職事計直有盡取河北

之地以爲京師援耳不然天下之四肢絕  
根本危矣異時醜虜旣得河北又侵河南險  
要旣失莫可保守駸駸未已幸江幸淮皆  
未可知也招撫誠能許國以忠稟命天子  
提兵壓境使飛以偏師從麾下所嚮惟招撫  
命耳一死烏足道哉所大喜借補武經郎命  
先臣從都統王彥渡河至衛州新鄉縣虜勢  
盛彥軍石門山下先臣約彥出戰不進先臣  
疑彥有他志抗聲謂之曰二帝蒙塵賊據

河朔臣子當開道以迎乘輿今不速戰而  
更觀望豈真欲附賊耶彥默然強與置酒幕  
下有姓劉者數於掌上畫斬字示彥彥不應  
先臣怒起獨引所部鏖戰奪虜纛而舞之諸  
軍鼓譟爭奮遂拔新鄉擒千戶阿里孛又與  
萬戶王索戰敗之明日將戰侯兆川先臣預  
戒士卒曰吾已兩捷彼必併力來吾屬雖寡  
當爲必勝計不用命者斬及戰士卒重傷先  
臣亦被十餘創與軍中皆死戰卒破之獲士

馬不可勝計夜屯石門山下或傳虜騎復至  
一軍皆驚唯先臣堅卧不動虜卒不來糧盡  
累日殺所乘馬以饗士間走彥壁乞糧彥不  
許乃引所部益北擊虜又戰于太行山獲馬  
數十匹擒拓跋耶烏居數日復與虜遇先臣  
單騎持丈八鐵鎗刺殺虜帥黑風大王走其  
衆三萬虜軍破膽先臣自知爲彥所疑乃自  
爲一軍歸宗澤澤命爲留守司統制未幾澤  
死杜充代之

建炎二年 戊申歲 年二十六

戰胙城縣 戰黑龍潭 戰官橋

擒李千戶 從問勅保護 陵寢

戰汜水關 戰竹蘆渡 轉武功郎

春正月合鞏宣贊失其名軍與金人戰于胙城  
縣大敗之又戰于黑龍潭龍女廟側官橋皆  
大捷擒女真李千戶渤海漢兒軍等送留守  
司秋七月從問勅保護 陵寢八月初三日  
與金人大戰于汜水關虜有騎將往來馳突



先臣躍馬左射應弦而斃虜衆亂官軍奮擊  
大破之又檄先臣留軍竹蘆渡與虜相持糧  
垂盡先臣密選精銳三百伏前山下令人各  
以薪屬交縛兩束四端藝火夜半皆舉虜疑  
援兵至驚潰先臣追襲大破之以奇功轉武  
功郎

建炎三年 巳酉歲 年二十七

大戰 京師破王善等五十萬

轉武經大夫 擒杜叔五孫海

轉武略大夫借英州刺史 解陳州圍

擒孫勝孫清 轉武德大夫授直刺史

說杜充勿棄 京師 戰鐵路步

戰盤城擒馮道 諫杜充 戰馬家渡

戰鍾山 戰廣德 擒王權等

戰溧陽 擒渤海太師李撒八

春正月賊首王善曹成張用董彥政孔彥舟  
率衆五十萬薄南薰門外鼓聲震地充拊先  
臣曰 京師存亡在此舉也時先臣所部纔

八百人衆皆懼不敵先臣謂曰賊雖多不整也吾爲諸君破之左挾弓矢右運鐵矛領數騎橫衝其軍賊軍果亂後騎皆死戰自午及申賊衆大敗轉武經大夫杜叔五孫海等圍東明縣先臣與戰擒之轉武略大夫借英州刺史二月王善圍陳州恣兵出掠充檄先臣從都統制陳淬合擊之先臣先命偏將岳亨以遊騎絕其剽掠之路獲其餉卒牛驢善兵不敢復出勢益沮二十一日戰于清河大敗

之擒其將孫勝孫清等以歸所降將卒甚衆轉武德大夫授真刺史夏四月又檄從淬合擊善衆六月二十日先臣次崔橋鎮西又遇善軍迎敵敗之單騎與岳亨深入執馘乃還杜充棄京師之建康先臣說之曰中原之地尺寸不可棄况社稷宗廟在京師陵寢在河南尤非他地比留守以重兵碩望且不守此他人柰何今留守一舉足此地皆非我有矣他日欲復取之非捐數十萬之衆

不可得也留守盍重圖之充不聽遂從之建  
康師次鐵路步與賊首張用戰敗之至六合  
檄討李成破之于盤城成又退保滁州充命  
王瓌討之瓌提兵至梁路徘徊不進其輜重  
在長蘆成遣輕騎五百襲奪之不獲掠寺僧  
百姓百餘人劫取先臣裴凜犒軍銀絹先臣  
方渡宣化鎮聞之急進兵掩擊賊兵盡殪得  
其梟將馮進還所掠人於長蘆成奔江西瓌  
竟不至滁而返冬十一月金人大舉兵與李

成共寇烏江縣充閉門不出諸將屢請不答  
先臣叩寢閣諫之曰勅虜大敵近在淮南睥  
睨長江包藏不淺卧薪之勢莫甚於此時而  
相公乃終日宴居不省兵事萬一敵人窺吾  
之急而舉兵乘之相公既不躬其事能保諸  
將之用命乎諸將既不用命金陵失守相公  
能復高枕於此乎雖飛以孤軍効命亦無補  
於國家矣因流涕被面固請出視師充漫  
應曰來日當至江許竟不出十八日虜由馬


家渡渡江充始遣先臣等十七人領兵二萬  
從都統制陳淬與虜敵戰方酣大將王燮以  
數萬衆先遁諸將皆潰去獨先臣力戰會暮  
後援不至輜重悉爲潰將引還士卒乏食乃  
全軍夜屯鍾山遲明復出戰斬首以數千百  
計諸將怙怙欲叛戚方首亡爲盜先臣麾下  
亦有從之者先臣灑血厲衆曰我輩荷國  
厚恩當以忠義報國立功名書竹帛死  
且不朽若降而爲虜潰而爲盜偷生苟活身

死名滅豈計之得耶建康江左形勝之地使  
胡虜盜據何以立國今日之事有死無二  
輒出此門者斬音容慷慨士爲感泣不敢有  
異志又招餘將曰凡不爲紅頭巾者隨我於  
是傅慶劉經以軍從充竟以金陵府庫與其  
家渡江降虜餘兵皆西北人素慕先臣恩信  
有密白先臣願請爲主帥而俱叛比者先臣  
陽許之有頃其部曲首領各以行伍之籍來  
先臣按籍呼之曰以爾等之衆且強爲朝廷

立奇功取中原身受上賞乃還故鄉豈非榮  
耶必能湔滌舊念乃可相附其或不聽寧先  
殺我我決不能從汝曹叛衆皆幡然懼呼曰  
惟統制命遂盡納之兀朮趨臨安府先臣領  
所部邀擊之至廣德境中六戰皆捷斬一千  
二百一十六級擒女真漢兒王權等二十四  
人俘諸路剃頭簽軍首領四十八人察其可  
用者結以恩信遣還虜中今夜斫營燒毀七  
梢丸梢砲車及隨軍輜重器仗乘其亂縱兵

交擊大敗之俘殺甚衆駐于廣德之鍾村是  
時糧食罄匱先臣資糧于敵且發家貲以助  
之與士卒最下者同食將士常有飢色獨畏  
先臣紀律不敢擾民市井鬻販如常時虜之  
簽軍涉其地者皆相謂曰岳爺爺軍也爭來  
降附前後萬餘人虜侵溧陽縣先臣遣劉經  
將千人夜半馳至縣擊之殺獲五百餘人生  
擒女真漢兒軍僞同知溧陽縣事渤海太師  
李撒八等一十二人及千戶留哥

鄂國金佗粹編卷第四



Faint vertical text columns, likely bleed-through from the reverse side of the page, containing characters in seal script.

